

盛京典制備考

卷四

7124  
996  
3



門牌  
號  
卷



盛京典制備考卷四目錄

將軍公署分司事宜

印務處  
摺本房  
刑司  
工司  
司務廳  
戶司  
禮司  
兵司

盛京典制備考卷四

將軍公署 在省城內鐘樓南街路東

署內分司

印務處 總查事件

摺本房 辦繕題奏事件

司務廳 接收內外公文

戶禮兵刑工五司 分左右 佩帶印綸 設關防二顆 派協領

儀制差操刑名工程各事務 派佐領防禦驍

步營司 派協領一員 管理步兵巡查街道緝捕賊

督捕司 派協領一員 管理匪犯 額設番役二十名 緝

捕盜賊及緊要匪犯 派佐領一員 幫同

管理

恩賞庫

管理官兵紅白事分賞銀兩收放牛具接濟

圍場處

管理行圍捕牲看管圍場事件

牧羣司

管理大凌河馬羣 蘇魯克牛羊羣

馬政處

經理收放馬乾錢項

捐輸局

管理車貨等捐咸豐六年設

官棧局

在天佑門外 設司印一顆派協領佩帶印鑰專管按年驗進棧枝 今停

摺本房應辦事宜

一將軍副都統慶賀

元旦正表文每於年前十二月會同府尹等拜發並

興京錦州金州吉林黑龍江各等處將軍副都統表文一同

派官由驛賫送禮部

一慶賀

元旦請

安摺用紅裡黃摺每於年前十二月初旬會同副都統

五部侍郎府尹府丞拜發隨賀表賫送

一將軍副都統慶賀

皇太后萬壽聖節正表文各於壽期前二十餘日會同拜發

興京錦州金州吉林黑龍江等處將軍副都統表文

同派員由驛賚送禮部

一慶賀

皇帝萬壽聖節請

安摺用紅裡黃摺每歲亦照壽期前二十餘日會同副

都統五部侍郎府尹府丞拜發隨賀表文賚遞

一慶賀

長至正表文於冬至前半個月會同拜發派官賚遞

一每年進鴨進野鷄請

皇太后萬壽聖節請  
安摺用紅裏黃摺各於  
壽期前二十餘日會同副都  
統五部侍郎府尹府丞拜  
發隨賀表文賚遞此摺於同  
治五年添設

安摺歲於小雪節前拜發交送差官賚遞

一每年進鮮肉請

安摺歲於進鴨進野鷄時會副都統銜一同拜發交送

差官賚遞

一每年進年貢請

安摺歲於十二月初旬拜發交送差官賚遞

一凡遇

皇帝謁

陵啟鑾回鑾均隨時酌量日期會同副都統五部侍郎府尹

府丞先期呈遞請

安摺

一凡遇應奏事件請

安摺均咨行奏事處轉遞

一凡遇由驛馳

奏事件所有夾板隨咨均交

盛京兵部交驛轉遞京兵部轉奏

一凡遇應

題事件均隨時按照送本班次咨交

盛京各部轉給差官附遞如遇定限事各部均無本章

即由本衙門派員賫送

一凡有具

題事件每年按四季將題過數目造具事由清冊咨送

通政使司衙門

一年內各司咨報軍機事件均由摺本房彙總裝封

交便差帶送遇咨報部旗事件均裝封咨送

盛京兵部由驛轉發

十月內戶司咨報福建閩江人數

兵司咨報坐補官員數目

三陵補放章京品級數目

刑司咨報竊盜會題已獲未獲逃逸各犯

工司咨報查驗十八處城工及征收木稅銀兩並回  
殘鉛子火藥各數目

十一月內將一年奏事奉到

硃批裝匣咨報軍機處呈繳

一將軍所屬內外各城主事筆帖式等每屆三年  
京察一次分晰等第造冊由  
盛京兵部轉咨吏部吏科京畿道都察院

戶司應辦事宜

一 將軍歲支俸銀一百八十兩養廉銀二千兩隨甲銀  
二百七十六兩隨缺地四十六日四畝府在城裏南  
街金銀庫西坐北向南隨缺住房五十七間

一 盛京將軍原設每年額支養廉銀二千兩向分春秋二  
季由金銀庫關支嗣於光緒二年經原任

欽差刑部尚書署

盛京將軍崇實奏陳變通吏治章程案內欽奉

隨軍銀三百六兩由  
盛京戶部銀庫支領成實  
銀

養廉銀五百二十兩於光  
緒二年原任刑部尚書署  
盛京將軍富綱奏准八成實  
銀仍由  
盛京戶部銀庫支領隨甲仍  
支五成實銀

以上各官俸銀於同治二  
年經前任將軍玉明奏奉  
諭旨飭部議准以五成實銀給  
發

諭旨飭部會議覆准停止向支養廉銀二千兩之數酌定

每年添給養廉實銀八千兩自光緒二年為始分春

秋兩季由山海關道在徵收盈餘及新增盈餘兩項

下解送

一 副都統歲支俸銀一百五十五兩養廉銀五百二十

兩隨甲銀一百八十兩隨缺地十七日二畝園地十

三日四畝府在撫近門外東關街北胡同坐北向南

隨缺住房四十間

協城守尉歲支俸銀一百三十兩每員隨缺地五十日

佐防守尉歲支俸銀一百零五兩每員隨缺地四十日

防禦歲支俸銀八十兩每員隨缺地四十日

驍騎校歲支俸銀六十兩每員隨缺地三十日

主事歲支俸銀六十兩米六十斛隨缺地六十日

筆帖式歲支俸銀米隨品級照例支領隨缺地三十日

外郎歲支餉銀二十四兩餉米三十二斛

前鋒領催兵丁隨缺地各十日

官員隨缺地各納倉糧與紅冊地糧數同

兵丁隨缺地例無倉糧

一內外城官員每年春秋約領俸銀三萬九千餘兩



一內外城兵丁每年春秋約領餉銀四十四萬七千餘兩

一在司行走官員應領公費銀兩

協領四員每月支領銀一兩五錢

佐領十二員每月支銀一兩一錢

主事一員每月支銀一兩一錢

筆帖式十二員每月支銀五錢

驍騎校四員每月支銀七錢五分

一年約共支銀三百餘兩

一內外城凡有印信衙門處每年關領紙硃銀二百

零五兩餘各照原定銀數分給

襖三百九十六件按年輪流散給三年一週原係乾

隆三十八年奏准裁汰馬兵隨缺地租徵銀項下支

給

一每年徵收旗人買賣房園稅銀一千兩上下不等

原先送部存庫道光二十七年經將軍鎮國公奔湘

閱操兵丁技藝因舊無正款賞項即奏准將此房園

稅銀作為春秋操演獎賞之用所有向扣兵餉平餘

銀兩充作操演獎賞之處奏請停止

光緒元年經原任刑部尚書署  
盛京將軍書奏准每日止  
折東錢一千二百二十文  
所有其餘各款一併在內

盛京由四鄉分八界由協領派一員為總理八界協領  
派佐領八員為界官各管一界催徵地畝錢糧

盛京內倉額徵紅冊草豆三十七萬八千餘日每日徵草一束

徵豆一升  
二合七勺

共徵豆六千六百九十餘石

共徵草三十七萬八千餘束

額徵米地六十八萬二千三百餘日每日徵米二升  
六合五勺五抄

共徵米一萬  
八千餘石

將軍會同戶部由五部及將軍衙門司員內揀派正  
副監督各一員協領一員主管徵收一年更換

盛京八界陞科地一萬餘畝共徵銀三百餘兩

餘租地三萬零三百餘畝共收制錢一千八百餘串

由八界界官主管催交

恩賞銀庫備放兵丁白賞

一

盛京城市賣牛馬猪羊收稅銀五千餘兩銀錢兼牛徵收

由五部侍郎內

欽派一員為監督一年更換

一

道光元年在宗室總族長衙門設立高牆空房圍禁

獲罪宗室覺羅因無爐火飯食之故奏准由船規獲  
餘項下借銀二萬兩發交當商一分生息每年息銀  
二千四百兩遇閏加增除圈禁宗室覺羅及彈壓官  
兵一年約支爐火飯食銀一千餘兩  
支給宗室學正管二員公費八十四兩  
支給各司筆墨紙張銀三百餘兩  
支給番役拜唐阿緝捕獎賞銀四百兩  
餘利息銀按年交銀庫另款存儲  
一內外城兵丁馬廠開地作為伍田共地三十四萬  
六千八百餘畝每畝徵銀四分

咸豐六年經前任將軍慶  
祺委員勘明有中地六萬  
六千餘畝奏准每畝徵銀  
三分現在考成淨剩地  
十九萬八千零六十餘畝  
每年合徵銀七千二百五  
十餘兩

廣甯屬盤龍驛馬廠開荒  
由同治二年經錦州副都  
統恩合奏准開墾地五十  
七萬四千餘畝除城廐拋  
荒銷租外十五萬五千餘  
畝每畝徵銀四分每年額  
徵銀七千二百餘兩廣甯  
城守尉兼總管分爲東西  
兩界由該總管派員催徵

每年額徵銀一萬三千八百七十餘兩隨考成送交銀庫  
一養息牧開荒於嘉慶十七年奏准招旗佃開墾地  
三十餘萬畝除翻起砂石報銷外十四萬六千餘畝  
每畝徵銀四分每年額徵銀五千八百四十餘兩派  
佐領一員為總管派防禦二員為界官分東西兩界  
主管徵收每屆三年更換  
一海口漁船長不過三丈二尺寬不過八尺如逾式  
五尺加稅銀五分每船徵銀一兩至四兩五錢不等  
各在本界境捕魚不許越界如願運糧者另起照票  
商船減半之例每船徵銀十兩以八兩五錢解部交

咸豐十年經

欽差戶部侍郎劉崑會同

盛京戶部侍郎倭仁等奏奉

諭旨飭部議准加倍徵收每石

收東錢四百文以咸豐八

年報部歸公三萬七百餘

兩作為正稅再加一倍作

為盈餘以錢一串抵銀一

兩搭放官兵俸餉如有虧

短者落經徵之員賄補現

在每年約收東錢四五十

萬千不等大牛船每隻徵

銀三兩小牛船每隻徵銀

二兩

庫以一兩五錢作為兵役飯食紙筆之費

一瀋城渾河遼陽太資河巨流河每有私船偷運糧

石之事於道光二十三年經將軍公禧

奏准查明三尺以上有鋪板大牛船每隻徵稅銀一兩

五錢三尺以下無鋪板小牛船每隻徵稅一兩如裝

一石扣收東錢二百文如裝雜貨按其觔重值仿照

糧石核酌扣收船規每收錢十千作銀一兩照商船

如足二十兩亦以十七兩解庫以三兩留作兵役飯

食紙筆之費每年約收東錢十八九萬千不等

一錦廣甯義四州縣徵收大糧莊頭退圈地畝米豆

派員運送通州分作兩次由天津縣催船前來裝載

初次運米一萬五六千石二次運豆一萬八九千石

不等由府尹衙門主稿會同辦理

一外有自咸豐三年九月初二日奉

上諭將宗室覺羅官員兵丁紅賞一概停止兵丁白賞每兩

折為一串制錢散放

一辦理宗室覺羅紅白事件關賞並增故子女及獲

罪圈禁者支給爐火飯食銀兩

一辦理爭控戶婚田土錢債

一催徵各項稅課應入倉庫錢糧

同治六年准宗人府咨開  
宗室覺羅紅賞奏准給予  
已載在宗室覺羅事宜

一辦理旗地水旱災傷照例賑卹蠲緩錢糧

一辦理旗人三年一次比丁冊檔及每年旗民編設保甲

一每年各城麥秋分數大秋收成分數辦理具題

一每年春起至五月底止各城得雨情形辦理具題

一查辦各海口流寓閩江人有無增減每年十月咨報軍機處戶部

一每年春融派員往查科爾沁蒙古王旗有無私招流民墾地及昌圖八社人民地畝有無增減咨報理藩院戶部

一每年春秋各處低窪之區有無蝻子化生之處地方官加意搜查結報將軍會同府尹具奏一次

一每年底開原界內產金處所有無匪徒淘挖金沙地方官加結詳報將軍會同府尹具奏一次

一直東省商船進口裝運糧石各地方官預請糧照將軍會同府尹鈐印以備發給徵收船規

一每年本衙門夜捕手四名關領口米稗石及糶麩油笮帶鹽劬等物咨行

盛京戶部關領

一旗人無子嗣呈請過繼昭穆相當之姪為嗣者咨

報戶部核辦

一旗人欲將効力年久僕人放出爲民者咨報戶部核辦

一各城市賣糧價及倉存米數按月冊報將軍衙門核辦

一各城每年徵收山繭稅當商稅旗人買賣房園稅賣牛馬猪羊稅斗秤店帖牙行一切稅項銀錢呈送交庫按季造冊詳報將軍備查

一各海口有無航海私度無票民人及邊門有無流民攜眷出邊各地方官按月冊報將軍查核

一管理金銀庫事務奏派省城協領一員爲監督二年更換

一內外城官兵兩季俸餉各該管官造冊送省核對於六臘月十五日大檔過部關支

一各駐防旗人買賣紅冊地畝退領餘地照例咨部更名

一各處駐防兵丁遇青黃不接之時借就近旗民倉米石春借秋還咨行

奉天府尹

盛京戶部核辦

禮司應辦事宜

一 每月初五二十五等日

大政殿朝集日期將軍以下官員銜名造册咨送

盛京禮部

一

三陵大祭需用抬標官員由將軍出派咨送

盛京禮部

一 遇考試之年凡應童子試者由將軍考驗騎射

國語造册咨送奉天學政衙門收考

一 遇鄉試之年文武生員亦由將軍考試驗騎射

國語造箭册咨送學政衙門錄科仍將該生三代履歷造册令該生持赴都京各該旗轉送禮部兵部

一文武舉人遇會試之年一體考驗轉送

一應領時憲書官員銜名每年秋季造册咨送欽天監發給分散

一北塔寺院於乾隆四十三年立滿洲達喇嘛正副各一名得木奇格思貴各二名教習三名遇有缺出禮部會同將軍揀選其班的喇嘛二十名遇有缺出由八旗滿洲蒙古閑散在北塔習學經卷者揀補

一十月冬圍應用大纛五桿應用做纛紡絲銀九兩零由庫關領其纛頂等項遇有失損之處由

盛京工部更換領用

一每年捕打冬圍由圍拉運送省鹿應用小車七十二輛每輛車脚銀五兩由庫關領

一每年捕打冬圍鹿送京應用大車二十八輛頭二次車十二輛每輛車脚銀二十兩零五錢三四次車十六輛每輛車脚銀十九兩零五錢由庫關領

一初次鮮應

進風乾鹿肉於每年八月內派炮手章京帶領兵丁出英額邊門捕打



一應

進鮮鹿肉野雞等物裝載官車派官馳驛送京

一隨三次鹿差應

進野雞行飭各外城派委官兵捕打送省

一十月圍盛裝鹿尾鹿舌野雞等物需用大小木箱

席皮繩麻白蠟菠籬皮笨木楸木盤水桶篩籬單布

口袋等項由

盛京工部領取其打洗盤腸應用白鹽水瓢刷帚由

盛京戶部關領

一二年一次捕拏鹿羔六十隻於四月內演圍官兵

捕拏送省餵養十月內送京應用車六十輛每車需

用一夫一馬每一夫一馬折價銀七兩共折銀四百

二十兩由庫關領

一每年捕打冬圍需用燧鹿包皮大叵籬盛裝鹿尾

木箱等物均由

盛京工部關領

一每年捕鮮應

進風乾鹿肉等物送京需用全車二輛木箱席片繩子

毛氈等物均由

盛京工部關領

同治八年奏捕拿鹿羔迨至解交時不及一半者將該拿鹿之員隨摺附奏交部議處並奏請緩至次年補拿送交奉旨依議欽此

一每年送京二次三次鮮鹿肉鹿尾等物需用全車五輛由

盛京工部關領

一每年捕打冬圍查收鹿尾等物需用白蠟席片繩子等物由

盛京工部關領

一每年捕打冬圍打洗鹿麀腸肚需用包皮大叵羅椶木方盤白蠟鹽等物由

盛京戶工二部關領

一每年送京盛裝麀背式骨並盛裝野雞需用木

匣荆條筐繩子等物由

盛京工部關領

一漢軍八旗額設義學生一百二十名在學讀書自備膏火設教習四員由各處筆帖式揀選充補三年更換每員月支公費銀二兩由庫關領

盛京禮部額設官學生一百四十名內

滿洲每旗八名

蒙古每旗一名

漢軍每旗一名

內務府六十名

設立助教官一切應領公費均係禮部主辦

一守節孀婦應請

旌表按年冊報禮部題准後每口給建坊銀三十兩由庫

關領宗室覺羅守節孀婦由宗人府題請

旌表宗室孀婦每口給建坊銀三十五兩緞二疋覺羅孀

婦每口給建坊銀三十兩緞一疋由庫關領

一遇外藩蒙古王公貝勒及福晉等病故由理藩院

咨令派員致祭者需用羊三四隻每隻折銀一兩酒

三四瓶每瓶折銀六錢均由庫關領

一鮮圍應

進鹿隻等數目自道光二十三年起謹按

硃筆改減之數呈

進著為例

初次鮮

盛京將軍應

進鮮鹿尾五盤咸豐十年添進十盤鮮鹿舌五箇

鮮鹿肋條十塊現進十五盤鮮鹿發爾什二十塊

鹿大腸五根 鹿盤腸五根

鹿肚五箇 湯鹿肉七塊

晾鹿肉三十塊 東鴨六十隻係內務府備辦

二次鮮應舉行冬圍之年進二次鮮三次鮮

歷年小雪前後呈  
進風乾鹿肉等物

進鮮鹿尾十盤

鮮鹿舌十箇

鮮鹿肋條八塊

鮮鹿發爾什八塊

鹿大腸二根

鹿盤腸二根

野雞一百隻

三次鮮應

進鮮鹿尾五盤

鮮鹿舌五箇

湯鹿四支

鮮鹿肋條十塊

鮮鹿發爾什十塊

鹿大腸五根

鹿盤腸五根

鹿肝肺四分

鹿肚五箇

折件麀四隻

麀腸十二根

初次鹿差應

進鹿尾八十盤

頭等四十箇 二等二十箇 三等二十箇 鹿舌八十箇

毛鹿四十隻

鹿大腸六十根

鹿盤腸一百二十根

鹿肚三十二箇

鹿肝肺十分

麀子三十隻

麀腸十八根

麀子十隻

二次鹿差應

進鹿尾八十盤

分頭二三等數 鹿舌八十箇

毛鹿四十隻

鹿大腸六十根

鹿盤腸一百二十根

鹿肚三十二箇

鹿肝肺十分

麇子三十隻

麇腸十八根

麇子十隻

三次鹿差應

進鹿尾八十盤

頭二三等數  
照頭二次

鹿舌八十箇

湯鹿二十隻

毛鹿八十隻

鹿大腸四十根

鹿盤腸八十根

鹿肚三十二箇

鹿肝肺十分

麇子五十隻

麇腸十八根

麇子二十隻

濕鹿筋一百斤

耐雞四十隻

野雞四百隻

鹿舒滿一百根

四次鹿差應送禮部

毛鹿二百二十隻

麇子八十隻

年貢應

進鹿尾二十盤

鹿舌二十箇

湯鹿十隻

鹿大腸四根

鹿盤腸八根

鹿肚四箇

鹿肝肺四分

麇十隻

麇腸十二根

樹雞二十隻

野雞二百隻

東鴨二十隻

係內務府備辦

通睛魚二十九尾

外加一尾

哲魯魚二十三尾

外加一尾

細鱗魚二十一尾

外加一尾

白魚十五尾

外加一尾

鰱花魚八尾

敖花魚八尾

去皮山裏紅八罐

帶皮山裏紅八罐

香水梨八罐

截梨八罐

花紅八罐

平頂香八罐

書喜八罐

白糖九匣

乾菜九匣

滷蝦九瓶

滷蝦油九瓶

滷蝦小菜九瓶

箭桿二百根

蠶繭一匣

火茸一匣

槍桿二十根

每年隨三次鹿差應

進虎皮三張

行圍年進

虎脰骨三副

虎威骨三副

麋子嘎什哈二百八十箇

麋子嘎什哈三百二十箇

兵司應辦事宜

一新任將軍到任日期專摺奏

聞外照繕本具

題報兵部恭繳舊領

敕諭送兵科請換新

敕諭

一新任副都統到任日期報兵部

盛京將軍副都統各按到任之日起扣滿三年奏請

陸見各報部旗

一城守尉八員各接到任之日起扣滿三年先期呈報將軍代為奏請

陛見咨報部旗

一三品協領六年期滿咨送兵部帶領引

見

一協領及

三陵翼長缺出遇有記名人員隨時繕摺奏補

一佐領防禦驍騎校缺出遇有記名之人照例坐補

咨報部旗

一凡有因公降調旗員統候應陞人員用過二缺後

第三次缺出將該員降調情由聲明出具切實考語咨送兵部轉咨本旗帶領引

見補放

一世襲官員缺出先將該員家譜核對明白再行傳喚應襲之人照例揀選襲替

一世襲各襲替後即將

誥敕咨送吏部填註襲替人名

一世襲官員內如有年未及歲襲替者年至十六歲

給咨送部補行引

見如該員身軀矮小照例奏請展限二年候年十八歲再



行給咨赴部引

見

一襲替佐領之人如若年未及歲其佐領事務照例  
委員署理隨時咨報部旗

一四五品武職各官遇有年老患病告休者照例隨  
時繕本具

題六品武職官員遇有年老患病告休者照例咨報兵  
部

一出征官員如因年老殘疾辭退者將該員履歷造  
冊咨送兵部具

題分別年歲勞績給予半俸全俸以養餘年

一移紫塔爾巴哈臺防禦驍騎校各缺派員署理遇  
有更換照例咨報戶兵二部

一卅襲佐領陞授別城協領者其原管之佐領照例  
委員署理咨報部旗

一內城佐領陞授內城協領者其原管之佐領仍着  
本身兼管之處咨報部旗

一內城佐領有陞授本旗本翼協領其原管之佐領  
令其與別旗別翼人員調換管理咨報部旗

一

三陵章京品級缺出補放之人隨時咨報部旗俟十月內彙

總咨報軍機部旗

一武職各官

軍政准兵部來咨五年一次照例舉行

一文職各官

京察准吏部來咨三年一次照例舉行

一佐領以下等官換缺隨時咨報兵部俟十月內彙

總咨報軍機部旗

一本衙門新放文職官員由部領來執照咨送吏部

繳銷

一考試滿漢旗繙譯筆帖式人等照例會同五部驗

看騎射造冊咨送

盛京兵部考試

一捐納貢監先據該管官保送到日咨送戶部俟部

覆到日再行飭取該生等旗佐等年貌冊結咨送

盛京兵部復核

一

興京開原遼陽鳳凰城岫巖牛莊廣甯等七城委官缺

出由該處領催內揀選出具考語保送將軍補放金

州錦州所屬委官缺出由該副都統補放

現在  
興京開原鳳凰三城歸  
興京副都統補放

一武職各官經制冊檔每年春秋二季咨送兵部

一內外各城官員遇有公出關防圖記事務委員署

理日期按四季造冊咨送彙總送部

一年滿倉官及筆帖式六年俸滿願就武職者由

盛京兵部轉咨吏兵二部查辦俟覆准行取該員履歷

驗看騎射咨送兵部帶領引

見後遇有該旗驍騎校缺出俟應陞人員用過三缺後至

第四缺出將此項改補人員補用

一內外城筆帖式內有無力遷移眷屬情願調換就

近當差者木衙門照例咨請吏部

一

三陵翼長缺出由

三陵防禦並由內外城滿洲公中佐領防禦內公同揀選補

放

一

盛京禮部讀祝官贊禮郎十年俸滿願就武職者由該

部咨行

盛京兵部轉咨吏兵二部俟部覆准到日行取該員履

歷驗看騎射咨送兵部帶領引

見俟遇該旗防禦缺出俟驍騎校用過三缺後至第四次

缺出將此項改補人員補用

一道光十六年

奏將蒙古巴爾虎佐領以下官缺照依揀選蒙古協領之例將蒙古巴爾虎兩項人員合併揀放經兵部議覆如巴爾虎官員補放蒙古之缺蒙古官員補放巴爾虎之缺該將軍隨時

奏明等因奉

旨依議

一道光十七年

奏請由蒙古佐領內添設幫辦協領一員漢軍佐領內

添設幫辦協領二員

賞給三品虛銜頂戴仍食佐領原俸令其幫同協領辦事  
分管旗務與協領一體當差毋庸另給經費等因奉

旨依議

一准兵部咨

盛京添設幫辦協領人員係於佐領內揀選正陪引

見補放遇有應陞協領缺出應由該將軍察看人材當差  
即行奏補其所遺幫辦協領員缺即以保放幫辦協  
領擬陪記名佐領奏補

一

盛京兵部三年一次點驗內外各城官兵器械於道光九年正月內奏奉

諭旨凡嗣後盛京兵部點驗軍器之例著照所請停止飭令各該城守尉等每於年終將一切軍器造冊呈報將軍衙門咨送兵部存查並責成將軍隨時酌量密委委員前往抽查以昭核實欽此又於道光十九年十二月內准兵部咨開內閣抄出

盛京將軍宗室耆英等奏奉

諭旨凡嗣後每屆三年點驗軍器將將軍五部侍郎副都統銜名開單奏請簡派分往各城點驗欽此又於道光

二十二年奏改將各城軍器調至省城公同點驗一每年年底將

盛京所屬各城所儲礮位鳥槍數目及兵額數目造冊咨報兵部

一將軍三年一次考驗旅順口水師營戰船金州副都統每年於春季前往水師操演戰船之處本衙門繕本具

題報兵部兵科

一凡各地方有丟失牛馬案件咨行

盛京兵部註檔

同治六年變通邊卡章程  
經將軍都與阿奏准裁撤  
十五卡節省瑛菜銀留作  
練兵需用嗣於光緒元年  
因邊外安民墾地經前署  
將軍刑部尚書崇實奏准  
裁撤七卡僅留中江頭道  
溝三卡昭舊成守以備與  
朝鮮通信會哨

一每年春秋二季官兵操演騎射槍礮號令  
一凡有出征兵丁年屆五十以上因殘疾辭退者咨  
部給予半餉養贍

一道光十一年

奏准各外城應行來省差便官兵就近考驗騎射

一東六邊門以外安設卡倫二十一處邊內安設卡

倫三處每年四月初一日出派官兵前往坐放一年

更換

計開

邊外總巡小黃溝卡倫官領催兵二十五名員

三道浪頭卡倫官領催兵三十名員

中江卡倫官領催兵二十名員

大江口卡倫官領催兵二十名員

古河口卡倫官領催兵十五名員

大雅爾河卡倫官領催兵十名員

總巡頭道江卡倫官領催兵三十五名員

六道河卡倫官領催兵二十名員

礦洞溝卡倫官領催兵十名員

紅石拉子卡倫官領催兵十五名員

大羅圈溝卡倫

哈爾敏河卡倫

碗口卡倫

輝發霍吞卡倫

那爾渾畢拉昂阿卡倫

以上每卡倫官二員 兵二十名

總巡帽爾山卡倫官二員 領催兵三十名

楊木林子卡倫

榆樹林子卡倫

古城卡倫

小三道溝卡倫

以上每卡倫官一員 兵二十名

拉子溝卡倫官一員 領催兵十名 員調赴金坑駐紮

三道浪頭堵禦木排官一員 兵二十名

每年開河起 封河止兩季更換

邊內佛小島子卡倫

頂山拐卡倫

小石棚卡倫

以上每處官一員 領催兵十名

邊內外共卡倫二十四處

邊外二十一處官二員 領催兵四百二十名

二十四處卡倫現留帽兒山即頭道溝及中江台兩處餘均撤

邊內三處

領官催兵三十名

內除帽爾山官關領鹽菜銀一百兩其餘邊外每  
官一年關領鹽菜銀二十四兩每兵一年關領鹽  
菜銀十六兩邊內每官一年關領鹽菜銀十五兩  
每兵一年關領鹽菜銀十兩堵禦木排官兵鹽菜  
銀與坐卡同

一每年四季由內外城城守尉防守尉協領內按季  
各派一員帶領官兵統巡邊之內外卡倫境界查拏  
偷砍木植私挖人葎偷打鹿茸賊犯該巡官每季關  
領鹽菜銀二百兩因道光二十六年朝鮮國王咨報  
發陽江兩岸有山賊結舍墾田之事具奏奉

上諭欽差大臣會同將軍親臨查辦定擬章程以匪民出邊

春種秋收正可焚舍毀田將統巡官改為春秋兩季  
各查四個月與朝鮮國員會哨差畢結報具奏該統  
巡官按季各關領鹽菜銀二百五十兩行之未久至  
道光二十八年將軍奕湘以賊犯砍木冬砍夏運無  
員稽查又奏請將統巡官歸復舊制仍按四季出派  
往巡三個月仍關領鹽菜銀二百兩將邊之內外坐  
卡官兵改為半年更換等因於道光二十八年八月  
初二日奉

上諭凡嗣後奉天東邊內外新舊卡倫二十四處官兵着照  
議改為六個月更換一次至派員巡查仍照舊章按



同治七年侍郎延煦出邊  
查勘奏准停派

光緒元年經前署將軍刑  
部尚書慶豐奏准停派青  
成演圍協領緝查

咸豐三年因庫款支細經  
將軍奕興奏准停止嗣於  
同治八年復奉  
上諭舉行至同治十三年因鹿  
隻稀少經將軍都興阿奏  
准隔年捕打

季出派一員作為統巡認真稽查欽此

一每屆二年將

盛京將軍副都統五部侍郎銜名開單奏請

欽派一員出邊巡查一季關領鹽菜銀六百兩

一每年春季出派省城協領一員前往邊外各卡界

內專查賊匪偷挖鹿窖關領鹽菜銀二百兩

一每年送交武備院箭桿八千根按照兵額分派備

用

一每年出派內外各城捕打冬圍官六十九員

一每年出派內外各城赴京恭送鮮肉等項差官十

五員

一每年出派內外各城捕打冬圍兵一千名每名支

給資裝銀十五兩

共資裝銀一萬五千兩由庫關領

一每年出派

興京開原二城官各一員捕打

進貢野雞

一每逢

昭福陵大祭出派官員恭送祝版

一每年出派協領一員協辦內務府事務

一每月出派官二員協同宗室營主事辦理一切事務

一養息牧試墾地畝處派佐領一員作為總管防禦  
二員作為界官三年更換又派馬兵二十四名貼寫  
辦事步兵九十五名催徵地畝租項銀兩

一八旗城門

堂子等處馬甲堆撥共三十二處每處官一員兵五名  
十名至二十名不等每班十日更換

一八旗輪流預備馬十匹入圈餵養以備專差賚送  
緊要公文赴外城查探緊要差使十日一輪

一嘉慶十年奏准凡門倉收禁候審人犯每日支給  
口米折錢二十五文每年由官稜餘項下領銀一百  
兩以備支用

查道光二十二年將軍禧恩等議海疆撤防善後事  
宜條欵內

奏明添設擡槍火器連環陣式兵丁二千名內有長矛  
兵二百名所需長矛一項

奏明行令河南巡撫在於出產地方採辦白蠟桿三百  
根運交奉省如數解到教兵練習所有演長矛兵二  
百名派協領一員佐領四員專管教演按年每兵放

給制錢十串作為公費共需二千串在馬乾歸款餘  
息項下動用迨至二十六年將軍奕湘

奏准八旗官兵二季操演並無正款賞項

奏准將戶司徵收房稅銀兩留充賞款如不敷用再由  
長矛兵丁公費內每年抽撥一千串作為操演騎射  
獎賞之需

一道光十年三月十六日奉

上諭念陪都地方斷不容戲班聚集日趨侈靡著富俊即將  
盛京城內外所有各戲班禱劇概行驅逐飭令地方官  
嚴行查察嗣後再不准潛行入境每屆年終著該將

軍會同五部侍郎奉天府府尹將境內並無戲班之  
處聯名具奏如再有潛留之處惟該將軍等是問欽  
此欽遵按年查禁具奏在案嗣後於咸豐九年因亢  
旱得雨商民呈請演戲酬神祝嘏奏經允准

一義州城守尉缺分由內務府人員挑放原委

崇德四年

固倫公主下嫁察哈力有里呢原有陪送各戶人丁內  
有薩蘭授為長史康熙十四年察哈力布里呢叛薩  
蘭之子新珠棄家赴京陳奏引兵勦滅奉

諭旨授新珠為義州城守尉並予世襲一等輕車都尉約束

陪嫁各項人丁迨後新珠子孫烏徵額襲替乾隆十六年烏徵額陞授錦州副都統因伊曾孫額楞額襲城守尉不諳事務恐負重任據情咨請由義州十九佐領內揀放至乾隆二十一年奉

諭旨城守尉係一城之首領大員不但非子孫可襲替之缺且不合例從此義州城守尉缺出由包衣佐領內揀放但已經襲替數世著賞雲騎尉一缺由新珠子孫內永遠襲替欽此

一查新滿洲人丁原在烏拉地方居住於康熙十七年經議政王大臣議奏奉

諭旨將新滿洲副都統銜布克頭扎努喀三十一佐領管下人丁連眷屬共一萬餘口俱著改住

盛京各隨各牛彖管理當差在案

一查巴爾虎人丁於康熙三十一年經王大臣議奏因巴爾虎人等奮勇報國請改駐

盛京等處披甲喫糧移來一千二百餘人每百名編一佐領分駐於開原遼陽熊岳復州金州岫巖鳳凰城等七處每城一佐領省城三佐領共十佐領分管當差在案

一查西斲人丁原在伯都訥地方居住於康熙三十

八年經固山額真巴爾哈泰奏准移駐

盛京二千餘名分駐八城安置披甲賞差在案

一查金州漢軍人原孫康熙十九年招安民壯當差至康熙二十六年奏准編爲廂黃正黃正白三旗各設佐領一員驍騎校一員如佐領缺出由驍騎校揀選

廂黃正黃二旗額設三兩領催各四名

二兩領催各一名

二兩兵各三名

一兩五錢領催各一名

一兩五錢兵廂黃旗兵六十名

一兩五錢兵正黃旗兵五十九名

正白旗額設三兩領催三名

二兩領催各一名

一兩五錢領催三名

一兩五錢兵五十八名

以上三旗共官六員領催兵二百零八名

一查旅順口水師營原係康熙五十年奏設由金州招安民壯內挑選四百七十名編爲兵丁又由投降海盜陳尙義張可達等挑選熟諳水性掌舵者三十

名作為教習設副手千把各官管束由登州撥來戰船十隻操演巡哨嗣奉

上諭將營官裁撤改設

漢軍協領一員由省城漢軍佐領內揀選佐領二員 防禦四員

驍騎校八員自佐領防禦驍騎校俱由本營應陞人員揀選又將投降之海

盜三十名俱入旗同壯丁等編為左右兩營將山東

送船之水手留營作為民船與旗兵一體當差關領

銀米至嘉慶四五年間復由金州撥歸水師營三兩

漢軍領催六名一兩五錢兵九十四名此內添設領

催四名

協領俸銀一百三十兩原給官房二十間

佐領俸銀一百零五兩原給官房十五間

防禦俸銀八十兩原給官房十間

驍騎校俸銀六十兩原給官房六間

兵丁各原給官房六間

食三兩領催二十六名內十名月支粟米各六斗

食一兩五錢領催三十五名內五名月支粟米各六斗

支粟米各三斗

食二兩二錢五分旗正水手三十名內二十五名月

支粟米各四斗五升

食一兩八錢七分五厘旗副水手二十八名內二十名月支粟米各三斗七升五合

以上應支粟米俱由金州民倉就近關領

盛京本城駐防世襲官員及外城襲缺官員列後

盛京新滿洲八旗佐領內每旗世襲佐領三員惟廂白

正藍二旗各少一員

共世襲佐領二十二員

世襲騎都尉五員

世襲雲騎尉四員

世襲恩騎尉四員

新襲雲騎尉二十二員

雲騎尉降襲恩騎尉三員

蒙古所管巴爾虎正白旗

世襲佐領一員

世襲雲騎尉一員

雲騎尉降襲恩騎尉一員

漢軍八旗佐領內正黃正白正紅廂紅正藍廂

藍等六旗

世襲佐領六員

世襲三等輕車都尉一員

世襲騎都尉三員

世襲雲騎尉三員

新襲雲騎尉三十九員

世襲恩騎尉一員

開原

滿洲正黃旗

世襲佐領一員

新襲雲騎尉一員 滿洲

巴爾虎廂黃旗

世襲佐領一員

鳳凰城

世襲雲騎尉二員 滿洲

新襲雲騎尉一員 滿洲

廣甯

滿洲正白旗

世襲佐領二員

新襲雲騎尉三員 滿洲一員 漢軍二員

熊岳

世襲雲騎尉三員

滿洲蒙古巴爾虎各一員

世襲恩騎尉三員

俱係滿洲

復州

世襲恩騎尉二員

俱滿洲

新襲雲騎尉一員

滿洲

岫巖

世襲恩騎尉一員

俱滿洲

新襲雲騎尉一員

滿洲

蓋州

世襲騎都尉一員

漢軍

世襲雲騎尉一員

滿洲



世錦州

滿洲廂黃旗

世襲佐領一員

滿洲正黃旗

世襲佐領一員

新襲雲騎尉七員滿洲

世襲恩騎尉一員

甯遠

世襲恩騎尉一員

世義州

滿洲廂黃旗

世襲佐領三員

滿洲正白旗

世襲佐領四員

包衣廂黃旗

世襲佐領一員

新襲雲騎尉十二員滿洲二員餘係包衣

興京

新襲滿洲雲騎尉一員

遼陽

新襲蒙古雲騎尉一員

金州

新襲滿洲雲騎尉一員

蒙古雲騎尉一員

小黑山

新襲滿洲雲騎尉一員

漢軍雲騎尉一員

巨流河

世襲漢軍雲騎尉一員

中後所

新襲漢軍雲騎尉一員

甯遠

世襲滿洲恩騎尉一員

刑司應辦事宜

一本省所屬各城報竊案件每年於十月內彙總造

冊咨送軍機處兵刑二部

一各省脫逃改遣人犯已獲未獲之處每年於十月

內造冊咨送軍機處刑部

一各省督撫將軍等隨帶家人常隨有無收受門包

之處年終加結咨報刑部

一由京置買家奴有無轉賣圖利之處年終查明咨

報刑部

一

盛京刑部治罪完結人犯名下應追贓銀轉飭各旗催  
追

一每年出派會官一員赴

盛京刑部會同審辦挖葭偷木等案

一查拏製造牌骰並遣所脫逃等犯咨送

盛京刑部治罪外將原拏旗員等

題請議叙

一失察製造賭具之員咨參交部議處

一失察私入圍場偷打鳥槍等犯之坐卡倫官員邊

門章京界官咨參交部議處

一未獲盜犯及贓逾滿貫竊犯並姦拐等犯之承緝

督緝官咨參交部議處

一失察旗人行竊之該管官等咨參交部議處

一邊外各卡及邊門章京等拏獲偷砍木植人犯咨

送

盛京刑部治罪所獲牲畜器具等物獎賞原拏兵等其  
所有木植均就近劄飭該卡倫造冊報明看守在山  
存放外邊有賊匪木植數目每於年終會

奏一次

一辦理邊之內外木植自道光七年經將軍奕顯因

在邊外拏獲私木招商認買每有奸商藉端砍運擬將所獲私木毋庸招商認買以杜奸商影射夾帶之弊

奏奉

諭旨凡嗣後如有拏獲私木仍遵前旨不准招商變價任其  
在山存放欽此欽遵在案又於十五年承准軍機大臣字寄奉

上諭凡邊門以外拏獲偷砍官山樹木前曾降旨不准擅行變賣嗣因奸商影射圖利並未查拏淨盡且歷年拏獲私木在山存放日久若何稽查其私木作為如何

辦理倘竟任其霉爛斃朽則是貨棄於地豈不可惜其影射夾帶等弊應如何禁絕著該將軍妥議章程具奏欽此當經奏明將邊內木植共變銀一萬八千餘兩交商按一分生息每年息銀二千二百餘兩作為在城八旗閑散學習烏槍公費等因具奏嗣於道光十六年承准軍機大臣字寄奉

上諭凡邊外木植著仍照前存放此內如有成材之料可以通內河挽運者如遇盛京工部歲修等項工程即可隨時揀選以資工用至邊內木植查有可以變價者飭令招商估變銀兩生息添給閑散學習烏槍需用

欽此欽遵在案

工司應辦事宜

一 錦州義州復州遼陽等四城開採煤窰六十二座  
 每座每年應交稅銀十七兩六分八厘共應交銀一  
 千零九十一兩六錢九分六厘按年解交

盛京戶部收庫

計開

- 遼陽屬界煤窰二十九座
- 復州屬界煤窰十五座
- 錦州屬界煤窰十八座
- 一 錦州遼陽鳳凰城本城所屬各河口每年共徵水

稅銀一千九百九十五兩零均歸渾河口木稅監督

協領治中分解

盛京戶部收庫

計開

渾河口每年應徵木稅銀八百零一兩零

遼陽大資河每年應徵木稅銀一千零六十四兩零

鳳凰城曹河口每年應徵木稅銀七十三兩零

錦州小凌河口每年應徵木稅銀五十五兩零

一內外各城處共兵一萬六千五百九十二名每兵

一名攤交雕翎一披四分四厘零每年共應交雕翎

八千副每副計三披又應交箭桿八千根均行取驛

車派員送交武備院查收

盛京雕翎應用木箱四個氈子四條繩子十六條丈席

八領由

盛京工部領用

一

興京邊門每年砍辦楮榆車軸二十根行取駟車派員

解交內務府所需砍工運腳銀二十二兩三錢零由

盛京工部關領

一每年

盛京工部會同將軍派員配造本省並黑龍江操演火藥四萬九千九百四十三斤零烘藥三百三十九斤十五兩零

又同治四五年等年官紳捐製抬槍烏槍奏明添造火藥一萬八千七百七十一斤烘藥三百五十三斤零又同治八年設立馬隊並客兵奏添火藥二萬六千六百斤烘藥五百四十斤每年共應燒礮一萬四千四百五十七斤零委員赴岫巖界煎燒柳炭一萬八千餘斤荒硝十二萬餘斤

以上共需夫丁物料銀九千二百七十餘兩均由

盛京戶部按照折減章程關領

除每年運交

黑龍江應用火藥外餘皆

庫存應用

一內外城兵丁操演鳥槍所需鉛丸內有不合槍口者由各城旗自行重新灌造計重五千四百八十六觔零每百觔需用工價銀八分共用工價銀四十三兩八分零由

盛京工部關領

一每年金州派官二員帶領領催兵丁捕打上用虎斑鷓十副皂鷓二副重尾二副鸛鷓七十二副芝蔴鷓三百二十七副解送武備院應用毡子八條

拾筐七個繩子一百條由

盛京工部領取

一水師營設有戰船十隻係閩浙二省造送各五隻自新造之年為始每屆三年小修一次再屆三年大修一次又屆三年如堪駕駛折造改為大修一次如遇小修一次每船一隻除南省物料外應在本處採買物料工價銀一百三十兩零如遇大修一次每船一隻除南省物料外應在本處採買物料工價銀二百兩

折造改為大修一次每船一隻除南省物料外應在本處採買物料工價銀三百八十五兩零均由庫關領小修大修改修三項應需南省物料均由浙江購辦委員解送應需麻筋一切顏料均由

盛京工部領取

凡小修大修折造剩存舊料儲該營以備下屆搭配使用如應改造新船仍咨原造省分成造委員駕送

每逢大修小修

現在均由將軍衙門具題

一每遇大修小修改修每船一隻用南省棕蓬匠六七名不等到營起至修竣止做工五六十日不等每日每名給口米一升就近由金州民倉關領



一戰船十隻除題明守候修理之船外其堪駕駛之船每年例應驗修一次每隻應用工料銀八兩零六分由庫關領

一戰船十隻每年每隻應領苦蓆三十領由

盛京工部領取

一道光二十三年奏准戰船不敷巡哨該營僱覓商船每年不定隻數如僱商船一隻每隻每日價銀一兩出口入汎約計一百一十餘日給價銀一百一十餘兩由銀庫關領

一乾隆四十年商人張君弼等捐修四路橋道剩存

同治二年查明前項銀兩  
歷任承德縣動備無存歸  
清查案內奏參辦理

本銀四千六百九十九兩四錢交承德縣按月一分二厘生息每年共收息銀六百七十六兩七錢零該縣收儲以備粘修

一道光十八年奏土民捐修柳河溝一帶橋道餘剩銀一千四百零五兩交承德縣一分生息以備粘修一本衙門堂印司印應用舖墊紅毡及筆帖式等每年應用筆一百一十隻墨二觔並

檔房每年舖炕應用丈二蓆二十一領

掖捕手每年應用梳楷二百五十五束法鞭四把均由

盛京工部領取

一道光二十三年四月奉

上諭禧恩奏酌擬巡洋會哨章程一摺准其將水師營額設戰船十隻內每年撥派六隻每船派兵丁水手六十名分爲三路派官三員帶領巡洋南至山東交界之城隍島以北地方赴山東登州鎮衙門呈驗照票東至岫巖大孤山與朝鮮交界處所由岫巖城守尉查照驗票西至錦州洋面與直隸交界之天橋廠赴錦州副都統衙門查驗照票以杜弊混至船隻除應行修補外不敷撥派暫僱商船出洋並改期三月出哨歸次等因欽此嗣

經金州副都統飭據水師營協領遵照奏定章程每年三月出派官兵發給印照註載官兵姓名駛船出汛巡查海面按處會哨在案



